



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

vt scala hæc cœlum tangat. 20

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

proprietary spoliatis, diuinum quoddam in ipso opus operatur, atque pro eodem opere perpetuam illi mercedem restituet. ¶ Quam nobilis res est ita semetipsum mortificando penetrare, quousque in abyssum veritatis peringat, & Deus ipsum suæ inactiōi aptum efficiat, ipsum que cum anima & corpore amplectetur. Profecto nobilior istud est, quam ea qua ex Deo proflixi nostri emanatio. Atque vt ad istud omnia pertingere, & in Christi amarissimæ passionis ac preciosi sanguinis balneo lauari, perque tres illas scalas ascendere & introduci, atque in brachijs sponsi protegi & custodiri, & in verum fundum deuenire possimus, prout supradictum est, ad hoc nobis ille præstet auxilium, qui propter nos de summo cælo descendit, Iesus Christus filius hominis, cum quo nos omnes vniri, & per quem nos omnes ascendere & in vitam ingredi, si saluari velimus, oportet. Ipse namque ait: Nemo ascendit in cælum, nisi filius hominis qui est in cælo. Et: Nemo potest venire ad me, nisi pater qui misit me, traxerit eum, per me videlicet. Væ autem illis qui hac incedere via nolunt, quibus heu nimis anxie atque horribiles viæ in hora mortis eorum pandentur, quando animam caligo & tenebræ operient, & tremor inuadet, & ipsa crudelissime extra corpus suum euulsa, ianuam clausam inueniet. Dum ergo tempus habemus, in hac via ascendere conemur.

Qualiter huius scalæ cacumen cælum tangat, & qualiter ipsum cælum in anima sit.

Cap. XX.
Triplet

LIBER II.

TRiplex ista scala, dominus videlicet Iesus
Christus, a terra ad cœlum vsque, & ad
vsque cœli introitum & in ipsum cœlum
in essentialē abyssum, id est, a corpore vsque ad
cœlū animę stellatū pertingit, in quo animæ cœ-
lo Deus continue moratur, quæ latior est omni-
bus cœlis. Et in ipso vires, sicut stellæ in firma-
mento lucēt, vnde inhabitatores terræ, id est, cor
& sensus hominis illuminant. Et dehinc vsque
ad cœli introitū attingit, id est, in essentialē illud
cœlum, in quo anima viuit in Deo, vbi vires e-
sua manant origine, & vbi beatissima Trinitas
agit in tres vires superiores. ¶ Et post hæc vteri-
us pertingit atque deducit in abyssum diuinita-
tis in essentialē spiritus vnitatem, vbi spiritus
angelicus est atque diuinus, & iam magis in cœ-
lo, q̄ in terra moratur: quia nimirum locus eius
in Deo, & opus illius ipse Deus existit, estq; De-
us per gratiam. Et ex vna quidem parte, in inferi-
ori videlicet fundo nihil est. Interior autem ille
fundus, quem Deus inhabitat, adeo diuinus est
et in Deum absorptus, vt nihil ibi sit, nisi diuina
vnitas atq; simplicitas, et pura essentia Dei: est-
que anima hic cœlo q̄ terræ vicinior. Et licet ex
vna parte corpus suum inhabitet, ipsumq; viui-
ficet, q̄d de terra est, & terra est, & in terram re-
uertetur, quodq; de terra sustentatur, pascitur at-
que vestitur ex Dei creatione, quodq; gustat, vi-
det, audit, tangit, & odorať terrena, in quibus o-
mnibus multum certe propinqua est anima ter-
ræ. Attamen ex altera parte cœlo vicinior est:
Deus nanque animam inhabitans, ipsam viue-
re facit, qui est cœlum voluptatis & cœlum cœ-
li, in quo omnes cœli (vt ita dicā) calantur, omnes

Q spi-

MARGARITÆ EVANG.

spiritus vniuntur & absorbentur, ipsumque in sua
 ipsorum intima essentia contemplantur & per-
 fruuntur. Et in hoc cœlo anima æternaliter con-
 templabitur Deum suum, in quo nunc habitat,
 cū quo vniū effecta est, ex q̄ emanauit & deifica
 est, & in quē refluit & spiritus cœlestis est & sen-
 tit, cogitat & intelligit vna cū angelis cœlestia,
 & videt, audit, odoratur, gustat & tangit æterna
 atque diuina. Et in hoc anima cœlo quam terrę vi-
 cinior est. ¶ Et cum Christi humanitatem indu-
 it, inter cœlum & terram, inter diuinitatē & hu-
 manitatem consistit. Et si tota cœlestis esse volu-
 erit, terrenam habitationem suā in Christi huma-
 nitate abscondere debet: sicque in ea nihil erit, nisi
 Deus homo, & ipsa nusquam in Deo habitabit. Sed
 nemo istud regnum cœlorum istumque thesaurum
 in sese inuenire, sentire atque aperire potest, nisi per
 clauem David, quæ est Christus Iesus filius Da-
 uid. Nec potest quis ad istud cœlum pertingere,
 nisi per Christum ascendere satagat & intrare.
 Quo facto, sine dubio thesaurum hunc, istudque re-
 gnum cœlorum inueniet. Clavis siquidem ista con-
 cta arcana referat, et quod ipsa aperit, nemo clau-
 dit, & quod claudit, nemo aperit. Quapropter in-
 giter hanc clauem penes nos circumferamus, &
 scrinio cordis nostri includamus, vt & nos vicis-
 sim ab ipso introduci, et in ipsius includi heredi-
 tate mereamur. Et istud est fundamentum atque
 sera omnium monasteriorum reclusoriorumque.

Qualiter tribus prædictis scalis ascendere
 debeamus per nouem gradus in tripli-
 ci vita.

Cap. XXI.

Tribus